



বাংলাদেশ ব্যাংক

প্রধান কার্যালয়
মতিবিল, ঢাকা-১০০০
বাংলাদেশ

website: www.bb.org.bd

ব্যাংকিং প্রবিধি ও নীতি বিভাগ

জামানত মূল্যায়নকারী প্রতিষ্ঠান তালিকাভুক্তির বিজ্ঞপ্তি

ব্যাংক কোম্পানী (সংশোধন) আইন, ২০২৩ এর মাধ্যমে সংযোজিত ধারা ২৯ক এর উদ্দেশ্যপূরণকল্পে কোনো ব্যাংকের খণ্ড বা বিনিয়োগ এর বিপরীতে প্রদত্ত জামানত (Collateral) মূল্যায়নের জন্য যোগ্য জামানত মূল্যায়নকারী প্রতিষ্ঠান বাংলাদেশ ব্যাংকের তালিকাভুক্ত হতে হবে। তফসিল ব্যাংকের খণ্ড/বিনিয়োগ গ্রহীতা কর্তৃক প্রদত্ত জামানত মূল্যায়নের জন্য যোগ্য জামানত মূল্যায়নকারী প্রতিষ্ঠানসমূহকে বাংলাদেশ ব্যাংক কর্তৃক তালিকাভুক্তির নিমিত্ত বিআরপিডি সার্কুলার নং-১৬ তারিখ ২৮ নভেম্বর ২০২৩ এর মাধ্যমে একটি নীতিমালা জারি করা হয়েছে। উক্ত নীতিমালার আওতায় বাংলাদেশ ব্যাংকের তালিকাভুক্ত হতে আগ্রহী যোগ্য জামানত মূল্যায়নকারী প্রতিষ্ঠানসমূহের নিকট হতে আবেদনপত্র আহবান করা যাচ্ছে।

আবেদনের ক্ষেত্রে নিম্নবর্ণিত নিয়মাবলী প্রযোজ্য হবে:

১. জামানত মূল্যায়নকারী প্রতিষ্ঠান হিসেবে তালিকাভুক্তির লক্ষ্যে সংশ্লিষ্ট নীতিমালায় উল্লেখিত ন্যূনতম যোগ্যতা অর্জনকারী প্রতিষ্ঠানসমূহকে পরিচালক (বিআরপিডি), ব্যাংকিং প্রবিধি ও নীতি বিভাগ, বাংলাদেশ ব্যাংক, প্রধান কার্যালয়, ঢাকা এর নিকট নির্ধারিত ছকে আবেদনপত্র দাখিল করতে হবে;

২. আবেদন মূল্যায়ন ফি বাবদ নির্বাহী পরিচালক, বাংলাদেশ ব্যাংক, মতিবিল অফিস বরাবর ইস্যুকৃত ৫,০০০/- (পাঁচ হাজার) টাকার পে-অর্ডার/ব্যাংক ড্রাফট (অফেরতযোগ্য) আবেদনপত্রের সাথে জমা দিতে হবে;

৩. তালিকাভুক্তির লক্ষ্যে আগামী ১৫ জানুয়ারি ২০২৪ তারিখের মধ্যে আবেদনপত্র দাখিল করতে হবে। উক্ত সময়ের পর দাখিলকৃত আবেদনপত্র গ্রহণযোগ্য হবে না;

৪. আবেদনপত্রের সাথে নীতিমালায় বর্ণিত নির্দেশনা মোতাবেক প্রয়োজনীয় দলিলাদি এবং নির্ধারিত ছকে তথ্যাদি যথাযথভাবে দাখিল করতে হবে। আবশ্যিকীয় দলিলাদি সঠিকভাবে দাখিলে ব্যর্থ হলে, অসম্পূর্ণ থাকলে, দাখিলকৃত তথ্যে কোনো ভুল বা অসঙ্গতি পরিলক্ষিত হলে সংশ্লিষ্ট আবেদনপত্রটি কোনো কারণ দর্শনো ব্যতিরেকেই বাতিল করা হবে;

৫. আবেদনপত্র মূল্যায়নের ক্ষেত্রে বাংলাদেশ ব্যাংক কর্তৃক নির্ধারিত মূল্যায়ন পদ্ধতি অনুসৃত হবে। সার্কুলারের মাধ্যমে জারিকৃত নীতিমালা অনুযায়ী ন্যূনতম যোগ্যতা না থাকলে কোনো প্রতিষ্ঠানের আবেদন বিবেচনা করা হবে না।

৬. চূড়ান্তভাবে নির্বাচিত জামানত মূল্যায়নকারী প্রতিষ্ঠানের তালিকা সার্কুলার লেটারের মাধ্যমে অবহিত করা হবে।

তালিকাভুক্ত হতে আগ্রহী জামানত মূল্যায়নকারী প্রতিষ্ঠানের যোগ্যতা, অযোগ্যতা, আবেদন প্রক্রিয়ার বিস্তারিত তথ্য, তালিকাভুক্তির শর্তাদির জন্য বাংলাদেশ ব্যাংকের ওয়েবসাইট(<https://www.bb.org.bd/en/index.php/mediaroom/circular>)-এ প্রকাশিত ‘জামানত মূল্যায়নকারী প্রতিষ্ঠান বা কোম্পানীর তালিকাভুক্তকরণ নীতিমালা’ দেখার জন্য পরামর্শ প্রদান করা হলো।

(মোহাম্মদ শাহরিয়ার সিদ্দিকী)

পরিচালক (বিআরপিডি)

ফোনঃ ৮৮-০২-৯৫৩০২৫২

email: gm.brpd@bb.org.bd

ব্যাংকিং ও আর্থিক সেবা পেতে হয়রানির
শিকার হলে কিংবা কোনো অভিযোগ
থাকলে ১৬২৩৬ নম্বরে ফোন করুন।